



Claudii Fleurii Abbatis Historia Ecclesiastica

Ab anno Christi 1494 usque ad annum 1507

Fleury, Claude

August. Vind. [u.a.], 1769

VD18 90118448

§. 117. Fridericus in Franciam profugus.

[urn:nbn:de:hbz:466:1-67025](#)

§. CXVII.

Fridericus in Franciam profugus.

Sæcul. XVI.
A.C. 1501.

His articulis utrinque integra fide executioni datis, infaustus ille Rex primo ad Aenariam Insulam secedit, secum abductis Regina conjugi, necnon famulis suis, quorum fides sibi magis probata erat. Praeter hos etiam secum abstinxit Beaticem, atque Isabellam, quarum prima a Wladislao Bohemiæ, ac Hungariæ Rege repudiata, altera vero olim Mediolanensis Ducissa erat: Columnenses quoque Fridericum, in cuius fide constanter perstiterunt, sequebantur. PauHist. du Chévalier Bayard. &c. cis post diebus Fridericus a Gallia-
rum Rege publicas securitatis literas pertebat, quibus haud ægre impetratis, cum quinque triremibus abscessit, Ludovicum Regem aditus, a quo perbenigne exceptus, Andegavensi Ducatum unacum triginta millium nummum aureorum pensione donatus est, quæ pecuniarum summa eidem semper integra fide numerabatur, etiam postquam Galli ex Neapolitano Regno iterum depulsi fuerant.

Interea vero Consalus in interiora Regni victricibus armis penetrabat, acceptoque nuncio, Capuam a Gallis fuisse captam, ipse die vigesima nona Julij

A a 4.

Neo-

Sæcul. XVI. Neocastro, ubi tum hærebat, profectus,
 A.C. 1501 Cofentiam processit, urbis hujus arcem
 expugnaturus, qua occupata postmodum
 ad primos adventus sui rumores, omnes
 Apuliæ urbes fese illius Imperio subjice-
 re certabant, solis Tarentinis Consalvo
 obsistere ausis: Alphonsus enim Fride-
 rici Filius, qui unacum Potentianno Co-
 mite, ac Leonardo Rhodiorum Episco-
 po urbem tuebatur, ditionem facere
 constanter recusabat; unde Consalvus co-
 pias suas admovit, ac civitatem toto ar-
 morum apparatu, tamque dura obsidio-
 ne pressit, ut Alphonsus urbem dedere
 compelleretur, pacta conditione, vi cu-
 jus quarto primum mense urbem trade-
 ret, eoque termino evoluto confestim
 eam Consalvo cederet, sicque præclarus
 ille Bellidux universum Regnum suis ar-
 mis subjecit; Alphonso autem præfita
 ad ipsum facratisimum Christi corpus
 juramenti fide promisit, se illi, quocon-
 que vellet, abeundi libertatem concessu-
 rum, nihilominus captum detinuit, ac
 valido stipatum præsidio in Hispaniam
 deduxit ad Ferdinandum Regem, a quo
 tamen haud vulgari benignitate ac de-
 mentia habitus est.

§. CXVIII.